

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

XXIII. Quod ecclesia cathedralis vel regularis vltra tres menses non vacet.

urn:nbn:de:hbz:466:1-15974

Iacob. 5. Cum infirmitas corporalis nonnunquam ex peccato proueniat , dicente Domino languido quem sanauerat : *Vade , & amplius noli peccare , ne deterius aliquid tibi contingat :* decreto præsenti statuimus , & districte præcipimus medicis corporum , vt cum eos ad infirmos vocari contigerit , ipsos ante omnia moneant , & indicant quod medicos aduocent animarum , vt postquam infirmis fuerit de spiritali salute prouisum , ad corporalis medicinæ remedium salubrius procedatur , cum causa cessante cesseat effectus . Hoc quidem inter alia huic causam dedit editio , quod quidam in ægritudinis lecto iacentes , cum eis a medicis suadetur vt de animarum salute disponant , in desperationis articulum incident , vnde facilius mortis periculum incurunt .

Si quis autem medicorum huius nostræ constitutionis , postquam per prælatos locorum fuerit publicata , transgressor extiterit , tamdiu ab ingressu ecclesiæ arceatur , donec pro transgressione huiusmodi satisfecerit competenter .

Ceterum cum anima sit multo preciosior corpore , sub interminatione anathematis prohibemus , ne quis medicorum pro corporali salute aliquid ægroto suadeat , quod in periculum animæ convertatur .

XXIII.

Ne pro defectu pastoris gregem dominicum lupus rapax inuadat , aut in facultatibus suis ecclesia viduata graue dispendium patiatur , volentes in

ANNO
CHRISTI
MDCCLXV. hoc etiam occurrere periculis animarum, & ecclesiarum indemnitatibus prouidere, statuimus, vt vltra tres menses cathedralis vel regularis ecclesia praelato non vacet, infra quos, iusto impedimento cessante, si electio celebrata non fuerit, qui eligere debuerant eligendi potestate careant ea vice, ac ipsa eligendi potestas ad eum qui proximo praesesse dignoscitur deuoluatur. Is vero ad quem deuoluta fuerit potestas, Dominum habens praeculis, non differat vltra tres menses, cum capituli sui consilio & aliorum virorum prudentium, viduatam ecclesiam de persona idonea, ipsius quidem ecclesiae, vel alterius, si digna non reperiatur in illa, canonice ordinare, si canonicam voluerit effugere vltionem.

XXIV.

Quia propter electionum formas diuersas, quas quidam inuenire conantur, & multa impedimenta proueniunt, & magna pericula imminent ecclesiis viduatis, statuimus, vt cum electio fuerit celebranda, presentibus omnibus qui debent & volunt & possunt commode interesse, assumantur tres de collegio fide digni, qui secreto & singulatim ^{*lege vota} voces cunctorum diligenter exquirant, & in scriptis redacta mox publicent in communi, nullo prorsus appellationis obstaculo interiecto, vt is collatione adhibita eligatur, in quem omnes, vel maior vel sanior pars capituli consentit. Vel saltem eligendi potestas aliquibus viris idoneis committatur, qui vice omnium ecclesiae viduatæ prouideant de pastore, aliter electio facta non valeat, nisi forte